

*"Courage is the most important of all the virtues because without courage, you can't practice any other virtue consistently."
(Maya Angelou)*

UIT DIE PEN VAN DIE CEO

OPDATERING OOR VLOEDSKADE AAN SITRUS-OES

Ons aanvanklike assesserings van die oorstromings in die Oos- en Wes-Kaap verlede maand dui daarop dat die onlangse erge weerstoestande 'n afname in verwagte uitvoerskatting uit vloedgeteisterde gebiede sal veroorsaak. Presiese syfers is moeilik om op hierdie stadium te bepaal, aangesien sommige produsente nog nie toegang tot boorde gehad het om skade noukeurig te bepaal nie, en vrugval ook eers later kan voorkom. Oor die algemeen is dit hoofsaaklik boorde naby riviere wat die ergste deur die oorstromings geraak is, terwyl die meerderheid boorde wel reën ontvang het, maar geen skade opgedoen het nie en steeds vrugte van hoë gehalte kan lewer. Produsente in hierdie gebiede het hard gewerk om van die vloedverwante vertragsings te herstel. Die afgelope paar dae het meer reën in die Oos-Kaap geval. Terwyl uitvoervolumes egter afwaarts hersien word, bly die integriteit en betroubaarheid van voorsiening aan internasionale markte ongeskonde.

Patensie is aansienlik geraak en boorde, plaasstrukture en padinfrastruktuur is beskadig. Die tydsberekening van die reën was veral uitdagend, aangesien die sitrusseisoen pas momentum begin kry het. Daar moet kennis geneem word dat die seisoen, wat die algehele tydsberekening en vordering betref, nie later as verlede jaar verloop nie en in sommige streke twee tot drie weke vroeër is. In die Wes-Kaap lyk die algehele skade minder ernstig, met belangrike toegangsroetes wat steeds operasioneel is. Infrastruktuurverbeterings- en rivierbestuurswerke wat die afgelope twee jaar deur die provinsiale regering geïmplementeer is, het lewens gered en 'n sitrusuitvoerseisoen vir die Olifantsriviervallei verseker.

As die CGA, het ons ook die onmiddellike verklaring van 'n nasionale ramptoestand verwelkom, maar ons ondersteun ook die oproep van SATI aan beide provinsiale en nasionale regeringsowerhede om verhoogde rampverligting en herstel-ondersteuning te bied. Dit kom op 'n reeds moeilike tyd vir produsente, wat ekonomiese ontwrigtings as gevolg van die oorlog in die Midde-Ooste moet hanteer. Ons gedagtes bly by landbougemeenskappe in hierdie streke; waarvan baie die afgelope weke nie net onmiddellike verliese moes verwerk nie, maar ook die langertermyn-implikasies van infrastruktuurskade in die gesig staar. Aan die begin van die jaar was verwagtinge vir 'n sterk seisoen, maar dit het sedertdien geblyk een te wees wat 'n hoë mate van aanpasbaarheid vanaf produsente en uitvoerders vereis, maar ons is egter gereed vir die uitdaging.

SITRUSVOLHOUBAARHEIDSFORUM

Die volgende Sitrusvolhoubaarheidsforum sal op 19 Junie 2026 plaasvind. Die konsep-agenda sluit opdatings oor die "EU-UK reset", die PPWR en AGRAYA-verwante ontwikkelings in. Om vir die geleentheid te registreer, volg asseblief die [skakel](#).

CGA WHATSAPP-GEMEENSKAPPE

Die CGA sal 'n nuwe WhatsApp-gemeenskap stig as 'n informele maar amptelike kommunikasiekanaal om bestaande e-poskommunikasie aan te vul, nie te vervang nie. Die gemeenskap sal aanvanklik 'n enkele groep insluit, "Uit die pen van die CEO", met die doel om oor die komende weke uit te brei na bykomende, doelspesifieke groepe. Kommunikasie binne die platform sal te alle tye tot 'n minimum beperk, gefokus en professioneel wees. Om die integriteit en privaatheid van gedeelde inligting te verseker, sal slegs aangewese administrateurs boodskappe kan plaas, wat 'n beheerde en veilige kommunikasie-omgewing vir alle lede handhaaf. Belanghebbendes kan [hier](#) by die gemeenskap aansluit.

GEPAK EN VERSKEEP - VOLUMES

Einde van week 22 miljoen 15 kg kartonne	Gepak	Gepak	Gepak	Verskeep	Verskeep	Oorspronklike skatting	Nuutste voorspelling	Finaal gepak	Visie 260
BRON: PPECB / AGRIHUB	2024	2025	2026	2025	2026	2026	2026	2025	2026
Pomelo's	9.6 m	9.5 m	9.9 m	7.7 m	8.9 m	17.8 m	17.0 m	15.3 m	15.5 m
Suurlemoene	17.3 m	18.9 m	26 m	15.4 m	23.7 m	45.9 m	45.8 m	41.6 m	43.4 m
Mandaryne	11.4 m	12.7 m	16.9 m	7.5 m	10.8 m	52.7 m	51.8 m	53.5 m	50 m
Nawels	5.8 m	5.3 m	6.5 m	1.9 m	2.8 m	30 m	29.2 m	31.6 m	32.3 m
Valencias	0.3 m	0.7 m	0.3 m	0.2 m	-	63 m	62.9 m	62 m	67.8 m
Totaal	44.4 m	47.1 m	59.6 m	32.7 m	46.2 m	209.4 m	206.7 m	204 m	209 m